

# XOOSSAA DABBO GIDANA DANDDAYAASA!





- 
- ◆ Xoossay A Dabbo Gidanaadan Neena SHoobbees 1
  - ◆ Xoossay Neeyyo De'ana Danddayiya Dabbo  
Ubbaappe Aadhdhiya Dabbo 2
  - ◆ Neeni Xoossaabaa Tamaarana Koshshees 3
  - ◆ Neeni Xoossaabaa Tamaarana Danddayiyo Ogiyaa 4
  - ◆ Xoossaa Dabboti Gannatiyan De'ana 5
  - ◆ Biittay Gannate Gidiyo Wodee Matattiis! 6
  - ◆ Aadhdhida Wode Hanidabaappe Demmiyo Seeraa 7
  - ◆ Xoossaa Morkketi Oonee? 8
  - ◆ Xoossaa Dabboti Oonee? 9
  - ◆ Tumu Haymaanootiyaa SHaakki Eriyo Ogiyaa 10
  - ◆ Worddo Haymaanootiyaappe Haakka! 11
  - ◆ Asay Hayqqiyo Wode Waanii? 12
  - ◆ Murunniyoogeenne Kaayiyoogee Iita Ooso 13
  - ◆ Xoossaa Dabboti Iitabaappe Haakkoosona 14
  - ◆ Xoossaa Dabboti Lo''obaa Ottoosona 15
  - ◆ Xoossaayyo De'iya Ne Siiquwaa Bessa 16
  - ◆ Dabbotttay Duuxxennaadan, Neeni Ne  
Huuphe Dabbo Gidana Koshshees 17
  - ◆ Merinau Xoossaayyo Dabbo Gida! 18

**Ha xuufee bayzettiyaaba gidenna. Kumetta sa'an Geeshsha Maxaafaa tamaarissanawu giigissiyooabaappe issuwaa gidishin, he oosoy asay ba dosan immiyo miishshan oosettees. Miishsha immanawu koyikko, [www.jw.org](http://www.jw.org) xomoosa.**

Hara qonccisoy imettana xayikko, xiqiseti ekettidoy Wolaytatto Geeshsha Maxaafaappe. "NW" giyaagee xiqisee Ooratta Alamiyaa Geeshsha Maxaafaappe ekettidoogaa bessees.

*Xoossaa Dabbo Gidana Danddayaasa!*

*You Can Be God's Friend!*

Ichchashe 2017n Attamettidaagaa

Wolaita (gf-WL)

© 2007

Watch Tower Bible and Tract Society of Pennsylvania

Attamissidaageeti

Publishers

Watchtower Bible and Tract Society of New York, Inc.

Walkill, New York, U.S.A.

Made in Britain by Watch Tower Bible and Tract Society of Britain.


(Registered in England as a Charity.)

## XOOSSAY A DABBO GIDANAADAN NEENA SHOOBBEES

**Xoossay neeni a dabbo gidanaadan koyees.** Salo gufantton-sa'a micettan ooppenne keehi gita Uraara neeni dabbo gidana danddayiyoogaa qoppa eray? Daro wodeppe kase de'ida Abrahaami, Xoossaa dabbo geetettidi xeesettiis. (Yaaqooba 2:23) Geeshsha Maxaafaa gidдон etabay odettido haraatikka, Xoossaa dabbo gididi ufayttidosonanne keehippe anjjettidosona. Ha wodiyan, sa'an ubba heeraappe asay Xoossaa dabbo gidiiddi de'ees. Neenikka Xoossaa dabbo gidana danddayaasa.

**Xoossaa dabbo gidiyoogee, ay asaarakka gidin dabbotiyoo gaappe aadhdhiyaaba.** Xoossay banan ammanettida dabbota mule yeellayenna. (Mazamure 18:25) Miishshan duretiyoogaappe Xoossaa dabbo gidiyoogee aadhdhees. Issi dure uri hayqqiyo wode, a miishshay haraatuyyo gidees. SHin, Xoossaa dabbo gididaageetuyyo, ooninne ekkana danddayenna miishshay de'ees.—Maatiyoosa 6:19.

**Issi issi asay neeni Xoossaabaa tamaariyoogaa agganadan oottanau malana danddayees.** Ubba ne laggetuppenne ne soo asaappe issooti issooti hegaadan oottana danddayoosona. (Maatiyoosa 10:36, 37) Haraati nena qoosiyaa woykko yashissiyaaba gidikko, hagaadan yaagada ne huuphiya oychcha, 'Taani oona ufayssana koyiyaanaa? Asaayye woy Xoossaa?' Ane haggaa qoppa: Issi uri neeni kattaa miyoogaa aggana mala yootikko, he uraa siyay? Siyennaagee qoncce! Ne de'anau kattaa maana koshshees. Xoossay qassi nena merinau de'ana mala oottana danddayees! Heggaa gishshau, ooninne nena Xoossaa dabbo gidana danddayiyoogiyaa tamaariyoogaa digganaadan eeno gooppa.—Yohanisa 17:3.





## XOOSSAY NEEYYO DE'ANA DANDDAYIYA DABBO UBBAAPPE AADHDHIYA DABBO

**Xoossaa dabbo gidiyoogee, neeyyo de'ana danddayiya ubbabaappe aadh-dhiyaaba.** Xoossay nena ufayssiya woppa de'uwaa waata demmana danddayiyaakko tamaarissana; i nena daro bala ammanotuppenne qohiya meezetuppe la'a kessana. I ne woosaa siyana. I nena ne garssa sarotettaanne ammanettada de'iyoo-gan ufayttanaadan maaddana. (Mazamure 71:5; 73:28) Meto wodekka Xoossay nena maaddana. (Mazamure 18:18) Qassi merinaa de'uwaakka Xoossay neeyyo immana. —Roome 6:23.



**Xoossaakko shiiqaydda biido keenan, a dabbotukkokka shiiqaasa.** Etikka ne dabbo gidoosona. Ubba eti neessi ishanne miichcho mala gidana. Eti nena Xoossaa-baa tamaarissanau, maaddanaunne mintettanau ufayttoosona.

**Nuuni Xoossara lagge gidokko.** Nee-ni Xoossaa dabbo gidanau koyiyo wode, issi tumu yohuwaa akeekana koshshees. Xoossara de'iya dabbotettay lagge gidida naa"u asatu gidдон de'iya dabbotaa mala gidenna. I nuuppe keehi daro wodi-yaa de'ida, aadhdhida eranchanne daro wolqqaara de'iyaagaa. I nuna Haaranau maatay de'iyoo-gaa. Hegaa gishshau, nuuni a dabbo gidanau koyikko, a ezgganaunne i oottite giidobata oottanau koshshees. Hegaadan oottiyoo-gee ubbatoo nuna go"iyaaba.—Isiyaasa 48:18.



## NEENI XOOSSAABAA TAMAARANA KOSHSHEES

**Xoossaa dabbo gidanau abaa tamarana koshshees.** Ne dabboti ne suntaa eridi an xee-giyoonaa? Ee, xee-goosona. Xoossaykka neeni a suntaa erada an xee-ganaadan koyees. Xoossaa sunttay Yihoowa. (Kessaabaa 6:3 Amaarattuwan, 1879n Attamettidaagaa; Mazamure 83:18; Maatiyoosa 6:9) Qassi neeni i dosiyoo-baanne ixxiyoo-baakka tamarana koshshees. Neeni a dabbotanne a morkketakka erana koshshees. Issi uraa eranau wodiya ekkees. Geeshsha Maxaafay Yihoowabaa tamaranau wodiya immiyoo-gee eratta yaagees.—Efisoona 5:15, 16.

**Xoossaa dabboti a ufayssiyaabaa oottoosona.** Ane ne dabbotubaa qoppa. Eta neeni iita ogiyan oyqqiyaabanne eti ixxiyoo-baa oottiyaaba gidikko, eti ne dabbo gididi de'anee? De'ennaagee qon-cce! Hegaadankka, neeni Xoossaa dabbo gidana koyikko, a ufayssiyaaba oottana koshshees.—Yohaannisa 4:24.

**Xoossaa dabbo gidanaadan kaalettiyay ubba Haymaanootiya gidenna.** Xoossau oppenne keehi mata dabbo gidida Yesuusii, naa'u ogiyaabaa yootiis. Issi ogee aahonne daro asan kummidaagaa. He ogee bashshau kaalettees. Hara ogee xunttanne aara biyaa-geeti amarida asata. He ogee merinaa de'u-wau kaalettees. Hagara giyoogee neeni Xoossaa dabbotettaa koyikko, ayyo goynniyo tumu ogi-yaa tamarana koshshees yaagiyoogaa.—Maatiyoosa 7:13, 14.





## NEENI XOOSSAABAA TAMAARANA DANDDAYIYO OGIYAA

**Geeshsha Maxaafaa nabbabiyoogan Yihoowabaa tamarana danddayaasa.** Daro wodiyaappe kase Xoossay amarida asata ba qofaa xaafanaadan dooriis. He xuufeti Geeshsha Maxaafaa geetettidi xeegettoosona. Ha wodiyan Xoossaabaa Geeshsha Maxaafaa nabbabiyoogan tamaroos. Geeshsha Maxaafay Yihoowa Qaalaa woykko kiitaa oyqqido gishshau, Xoossaa Qaalaa geetettidikka xeegettes. Yihooway mule worddotenna gishshau, Geeshsha Maxaafay yootiyoobaa ammanana danddayoos. “Xoossai worddotanau danddayenna.”



(Ibraawe 6:18) Xoossaa Qaalay tumaa oyqqiis.  
—Yohaannisa 17:17.

**Xoossay nuussi immido keehi al'o imotaappe issoy Geeshsha Maxaafaa.** Geeshsha Maxaafay issi siiqiya aaway ba naatussi kiittido dabddaabbiyaa mala. Geeshsha Maxaafay Xoossay sa'aa de'anau ufayssiya gannatiyau laammanau qaalaa gelidoogaa nuusi yootees. Xoossay aadhhdida wotetun oottidobata, ha"i oottiiddi de'iyobatanne sinttappe banan ammanettiyaageetuyyo oottanabata nuusi yootees. Gayttiya metota xooni kiya-



naunne ufayssaa demmanaukka nuna maaddees.  
—2 Ximootiyoosa 3:16, 17.

**Yihoowa Markkati Xoossaa dabbo; Geeshsha Maxaafay tamarissiyooobaa akeekanaadan eti nena maaddana.** Geeshsha Maxaafaa xanna'ana koyiyooqaa etuyyo yoota. Hegaayyo nena miishsha qanxxissokkona. (Maatiyoosa 10:8) Hega bollikka qassi, Kiristtaane shiiqotun shiiqana danddayaasa. Ha shiiqoti Kawotettaa Adaraashshaa geetettiya goyno sohotun oosetoosona. Kiristtaane shiiqotun shiiqiyaaba gidikko, neeni Xoossaa eriyooqan sohuwaara dichchaa bessana.

**Xoossaabaa i medhdhidobaappe tamarana danddayaasa.** Leemisuwaassi, Geeshsha Maxaafay: “Xoossai salotanne sa7aa . . . medhdhiis” yaagees. (Doomettaabaa 1:1) Yihooway “salota” medhdhido wode, awaa medhdhiis. Hegee nuussi Xoossaabaa ay yootii? Yihoowaassi gita wolqqay de'iyooqaa nuussi yootes. Awaadan wolqqaa ma gididabata medhdhana danddayiyay a xalla. Ho''oyne poo'oy de'anaadan oottiya away baayyo mule eexxi xayennaadan oottidi medhdhanau aadhdhida eratettaa oychchiyo gishshau, hegee Yihooway aadhdhida eranchcha gidiyooqakka nuussi yootes.

**Yihooway medhdhidobay i nuna siiqiyooqaa bessees.** Ane sa'an de'iya dumma dumma qommo miyo mitta ayfetubaa ubbaa qoppa. Yihoo-way issi miyo mitta qommo xalaala immanau woy mule issuwaakka gidin immennan agganau danddayees. SHin hegaappe, Yihooway cora mitta ayfiyaa, sheeshshan dummatettay de'iyoo zolddo, muumenne lochcha gidida, yesuwaninne meran dummatettay de'iyoogetanne inxxarssan dumma dumma mal''oy de'iyoogeta nuussi immiis. Hagee Yihooway siiqiya Xoossa xalla gidennan, keehippe qoppiyaagaanne keha gidiyooqaa bessees.  
—Mazamure 104:24.





## XOOSSAA DABBOTI GANNATIYAN DE'ANA

**Gannatee ha'i nu de'iyoo alamiyaa mala gidenna.** Xoossay sa'ay metuwan, kayyuwan, sahuwaaninne tuggan kumana mala mule koyibeenna. Sinttappe Xoossay sa'aa gannate oottana. Gannatee ay malataneeshsha? Geeshsha Maxaafay giyoobaa ane be'oos:

**Lo"o asaa.** Gannatee Xoossaa dabboti de'iyoo soho gidana. Eti issoy issuwaassi lo"obaa oottana. Eti Xoossaa xillotetta ogiyaadan de'ana. —Leemiso 2:21.

**Kumi palahiya kattaa.** Gannatiyan namisi de'enna. Geeshsha Maxaafay: 'Biittan daro kattay mukkana' yaagees.—Mazamure 72:16.

**Injje keettaanne ufayssiya oosuwaa.** Gannate biittan, ubba keettaa asaassi eta keettay de'ana. Ubba asay ba oottiyo oosuwan tumu ufayssaa demmiyaagaa gidana.—Isiyaasa 65: 21-23.





**Sa'a yuusho sarotettaa.** Olettiya asinne olan hayqqiya asi de'enna. Xoossaa Qaalay: “[Xoossay] sa7aa gaxaa gakkanaassi de7iya olaa teqqees” yaagees.—Mazamure 46:8, 9.

**Lo'o payyatettaa.** Geeshsha Maxaafay: “[Gannatiyan] de'iya ooninne ‘Taani hargga-yiis’ yaagenna” yaagidi hidoootaa immees. (Isiyaasa 33:24) Qassi, ooninne wobbenna, qoo-genna, tullennanne duudenna.—Isiyaasa 35: 5, 6.

**Sahoy, kayyoyinne hayqoy xayana.** Xoos-saa Qaalay: “Haiqoinne kayyoi woi waasoin-ne sahoi de7enna. Aissi giikko, ceegabai xa-yiis” yaagees.—Ajjuutaa 21:4.

**Iita asay mule xayana.** Yihooway “Iitati biit-taappe xoqollettana; ammanettennageetikka shodettidi xayana” yaagidi qaalaa geliis.—Lee-miso 2:22.

**Asay issoy issuwaara siiqettananne bon-chchettana.** Pirddaa pacay, huqqunnay, yaa-rettiyoogeenne ixoy de'enna. Asay Xoossaa xillotetta ogiyaara moggottidi issippetetan de'ana.—Isiyaasa 26:9.



## BIITTAY GANNATE GIDIYO WODEE MATATTIIS!


**Ha''i sa'an hanettiiddi de'iya iitabati, biittay Gannate gidiyo wodee matattoogaa bessoosona.** Geeshsha Maxaafay sa'ay Gannate gidanaappe kasetidi, metiya wodiya nuuni be'anaagaa yootiis. Ha''i nuuni de'iyoy he wodiyaana! Geeshsha Maxaafay hanana giidoogetuppe amaridaageeti:



**Wolqqaama olata.** “Issi biittaa asai hara biittaa asaara olettana; qassi issi kawotetta hara kawotettaara olettana.” (Maatiyoosa 24:7) Ha hiraagay polettidi tuma gidiiis. Alamiyaa yuushshuwaa gakkida naa''u olattinne daro guutta olati, 1914 M.Lppe doommidi dendidosa. He olatun miilooniyan qoodettiya asay hayqqiis.

**Ubbasan de'iya harggiyaa.** “Daro sohuwan . . . wurssiya harggee yaana.” (Luqaasa 21:11) Hagee polettidi tuma gididee? Ee. Kansseriya giyo harggee, wozanaa harggee, ajjaajjee, shekkeeree, [AIDS] eedisseenne hara harggeti miilooniyan qoodettiya asaa woriiddi de'oosona.

**Kattay qaxwattiyoogaa.** Sa'an ubbasan maa-nau gidiya qummaa demmenna asay de'ees. Layttan layttan miilooniyan qoodettiya asay namisan hayqqees. Hagee sa'ay matan Gannate gidiyoogaassi hara malaata. Geeshsha Maxaafay: “Koshaikka de7ana” yaagees.—Marqoosa 13:8.






**Biittaa qaattaa.** “Biittaa qaattai ubbasan de7ana.” (Maatiyoosa 24:7) Ha-geekka nu wodiyan polettidi tuma gidiis. Issi miilooniyaappe dariya asay, 1914 M.Lppe doommidi biittaa qaattan hayqqiis.

**Iita asaa.** Asati “miishshaa siiqiyaageetanne” “banttana siiqiyaageeta” gidana. “Xoossaappe aattidi, ufaittiyoobaa dosiyaageeta gidana.” Naati “banttana yelidaageetuyyo azazettennaageeta” gidana. (2 Ximootiyoosa 3:1-5) Ha wodiyan he-gaa mala daro asay de'iyooгаа kashi gay? Eti Xoossaa bonchchokkona; qassi Xoossaabaa ta-maaranau koyiyaageetu bolli metuwaa medh-dhoosona.

**Danuwaa.** Qassi ‘makkalay darana.’ (Maati-yoosa 24:12) Danoy aadhdhida wodetuppe kee-hi daridoogaa maayennan aggakka. Ubba hee-ran de'iya asaa bolli bogee, balibakkoy woy qohoy gakkees.

**Hagee ubbay Xoossaa Kawotettay matatti-doogaa bessees.** Geeshsha Maxaafay: “intte hegee haniyoogaa be7iyo wode, Xoossaa kawo-tettai gakkana matattidoogaa erana” yaagees. (Luqaasa 21:31) Xoossaa Kawotettay aybee? Ha sa'aa Gannate oottiya saluwan de'iya Xoossaa aysuwaa. Asaa kawotettaa sohowan Xoossaa Kawotettay eqqana.—Daaneela 2:44.





## AADHDHIDA WODE HANIDABAAPPE DEMMIYO SEERAA

**Iita asay Gannatiya xayssanaadan Yihoo-way oottenna.** A dabbotu xallay yan de'ana. Iita asay waananee? Ha oyshau zaaruwaa demmanau, tumuppe hanida Nohe taarikiyaa akeeka. Nohee sha'an qoodettiya layttatuppe kase de'iis. Nohee Xoossaa sheniya ubbatoo oottanau baaxettida lo"o asa. SHin sa'an de'iya hara asay iitabaa oottiis. Hegaa gishshau, Yihooway iita asaa ubbaa xayssanau bashsha haattaa ehaana hanniyooгаа Noheyyo yootiis. Noheenne a soo asay Bashsha Haattay yiyo wode hayqqennaadan markkabiyaа keexxanaadan Noheyyo yootiis.—Doomettaabaa 6: 9-18.



**Noheenne a soo asay markkabiyaа keexxidosa.** Nohee Bashsha Haattay yiyoogaa asaa akeekissiis; shin eti i giyoobaa siyibookona. Iita oosuwaa aggibookkona. Markkabee keexetti wuri simmin, Nohee mehiyaanne do'aa markkabe giddo gelissiis; qassi inne a soo asaykka gelidosona. Hegaappe guyyiyan Yihooway wolqqaama iraa ehiis. Iray 40 gallasanne 40 qammaa bukkiis. Haattay sa'aa ubbaa walxxi gi kumiis.—Doomettaabaa 7: 7-12.







**Iita asay ubbay ba shemppuwaa xayii;** **shin Noheenne a soo asay attiis.** Yihoo-way eta Bashsha Haattaappe ashshidi iita-tettaappe geeyida sa'an de'anaadan oottiis. (Doomettaabaa 7:22, 23) Geeshsha Maxaafay suurebaa oottanau ixxis giyaageeta, Yihoo-way zaarettidi xayssiyo wodee yaanaagaa yootes. Lo"o asay xayenna. Eti Gannate gidiya biittan merinau de'ana.—2 PHexiroosa 2: 5, 6, 9.

**Ha wodiyan daro asay iitabaa oottes.** Alamee metuwan kumi uttiis. Daro asay Yihoo-wa qaalaa siyanau koyennaba gidikkokka, Yihoo-way ba Markkata asaa akeekissanaadan zaari zaari kiittees. Eti bantta ogiyaa laamanau koyokkona. Xoossay suurenne bala giidi yootiyoobatubaa ekkanau koyokkona. Ha asati ay hananee? Eti issi gallassi laamettanee? Daroti mule laamettokkona. Iitati xayiyi wodeenne simmidi de'anau mule danddayenna wodee matattiis.—Mazamure 92:7.

**Sa'ay xayenna; ubba gannate gidana.** Xoossaa dabbo gidiyaageeti Gannate gidiya biittan merinau de'ana.—Mazamure 37:29.


## XOOSSAA MORKKEDI OONEE?



**Xoossaassi waanna morkkee Seexaanaa Daballoosa.** I Yihoowa bolli makkalida ayyaana mereta. Seexaanay Xoossaara eqettiyoogaa aggibeennanne asaa naatu bolli daro metuwaa kaalettees. Seexaanay iita. I worddanchanne shemppo woriyaagaa.—Yohaannisa 8:44.

**Hara ayyaana meretattikka Xoossaa bolli makkaliyoogan Seexaanaara zuppettidona.** Geeshsha Maxaafay eta daydanttata yaagi xeegees. Seexaanaagaadankka, daydanttati asaa naatuyyo morkke. Asaa qohanau koyoosona. (Maatiyoosa 9:32, 33; 12:22) Yihooway Seexaanaanne daydanttata merinau xayssana. Eti asaa naatu bolli meto gattiiddi takkanay guutta wode xalaalaassa.—Ajjuu-  
taa 12:12.

**Xoossaa dabbo gidanau koyikko, Seexaanay giyoobaa oottana bessenna.** Seexaanayne daydanttati Yihoowa ixxoosona. Eti Xoossaa morkke, nenakka Xoossaa morkke oottanau koyoosona. Neeni Seexaanaa woy Yihoowa ufayssana koyiyaakko doorana koshshees. Merinaa de'uwaa koyikko, Yihoowa sheniyaa oottanau doorana koshshees. Seexaanay asaa cimmiyo daro hayyotinne ogeti de'oosona. Daro asay an baletettiiddi de'ees.—Ajjuu-  
taa 12:9.





## XOOSSAA DABBOTI OONEE?



**Yesuus Kiristtoosi Yihoowassi na'a, qassi matattiyaanne al'o dabbo.** Yesuus asa gididi sa'an de'anaappe kase, wolqqaama ayyaana mereta gididi saluwan de'iis. (Yohaannisa 17:5) Hegaappe simmidi asaa Xoossaabaa tumaa tamaarissanau sa'aa yiis. (Yohaannisa 18:37) Azazettiya asaa naata nagaraappenne hayquwaappe ashshanau ba de'uwaakka immiis. (Roome 6:23) Yesuus ha'i Xoossaa Kawotettaa Kawo, ha saluwa aysoy, biittaa Gannate oottiyaagaa.—Ajjuuataa 19:16.

**Kiitanchchatikka Xoossaassi dabbo.** Kiitanchchati de'iyooгаа doommidoy asaa naatudan sa'ana gidenna. Eti saluwan merettidoy Xoossay sa'aa medhdhanaappekka kase. (Iyyooba 38:4-7) Miilooniyan qoodettiya kiitanchchati de'oosona. (Daaneela 7:10) Hageeti saluwan de'iya Xoossaa dabboti asay Yihoowaabaa tumaa tamaranaadan koyoosona.—Ajjuuataa 14:6, 7.

**Xoossaayyo sa'ankka dabboti de'oosona; i eta ba markkata yaagidi xeesees.** Pirdda keettan markkatiya asi issi uraabaa woy issibaa eriyooгаа yootees. Yihoowa Markkati Yihoo-waabaanne a halchchuwaabaa eriyooгаа haraatuuyo yootoosona. (Isiyaasa 43:10) Kiitanchchatuugaadan, Markkatikka neeni Yihoowaabaa tumaa tamaranaadan maaddana koyoosona. Neenikka Xoossaa dabbo gidanaadan koyoosona.




## TUMU HAYMAANOOTIYAA SHAAKKI ERIYO OGIYAA

**Xoossaa dabbo gidanau koyikko, Xoossay nashshiyo haymaanootiyan simerettanau koshshees.** Yesuusi “tumaappe goinniyaa-geeti” Xoossau ‘tumaara’ moggottiya ogiyan goynniyoogaa yootiis. (Yohaannisa 4:23, 24) Xoossaayyo goynniyo issi tumu oge xallay de'ees. (Efisoonaa 4:4-6) Tumu haymaanootee merinaa de'uwau kaalettees; worddo haymaanootee qassi bashshau kaalettees.—Maatiyoosa 7:13, 14.

**A gidдон simerettiya asaa xeelliyooḡan, tumu haymaanootiyaа akeekana dandda-yaasa.** Yihooway lo"o gidiyo gishshau, ayyo tumuppe goynniyaageetikka lo"o asa gidana koshshees. Lo"o burttukkaaniyaа mittay lo"o burttukkaniyaа ayfiyoogaadan, tumu hayimaanoteekka lo"o asaa ayifees.—Maatiyoosa 7:15-20.

**Yihoowa dabboti Geeshsha Maxaafaa keehippe bonchchoosona.** Geeshsha Maxaafay Xoossaappe yiidoogaa eroosona. Geeshsha Maxaafay yootiyoobay eta de'uwan eta kaalettanaadan, gayttiya metuwaa kiyanaу maaddanaadaaninne Xoossaabaa tamaaranau maaddanaadan oottooson. (2 Ximootiyoosa 3:16) Eti sabbakkiiddi de'iyooobata oosuan peeshshanau baaxetoosona.





**Yihoowa dabboti issoy issuwaara siiqet-toosona.** Yesuusi Xoossaabaa tamarissiyoo-gaaninne harggidaageeta pattiyoogan asaa siiqiyoojaa bessii. Tumu haymaanootiyan simerettiyaageetikka haraata siiqiyoojaa bessoosona. Yesuusaagaadan, etikka hiyyeesa woy banttappe dumma sheeshsha gidida asaa karokkona. Yesuusi bana kaalliyaaageeta issoy issuwau bessiyoo siiquwan asay eranaagaa yootiis.—Yohaannisa 13:35.

**Xoossaa dabboti, Yihoowa geetettiya Xoossaa sunntaa bonchchoosona.** Issi asi nena ne sunntan xeegeenau koyennaba gidikko, he asi neessi mata dabbo gidana danddayii? CHii! Nuussi mata dabbo asi de'ikko, a a sunntan xeegeosinne abaa lo'obaa haratuyyo yootoos. Hegaa gishshau Xoossaa dabbo gidana koyiyaageeti a sunntaa go'ettananne abaa hara asaayyo yootana koshshees. Yihooway nuuni hegaadan oottanaadan koyees.—Maatiyoosa 6:9; Roome 10:13, 14.

**Yesuusaagaadan, Xoossaa dabboti asaa Xoossaa Kawotettaabaa tamarissoosona.** Xoossaa Kawotettay sa'aa gannatiyau laammiya saluwaa ayso. Xoossaa dabboti Xoossaa Kawotettaabaa, ha mishsraachchuwaa, haratuyyo yootoosona.—Maatiyoosa 24:14.

**Yihoowa Markkati Xoossaa dabbo gidanau baaxetoosona.** Geeshsha Maxaafaa bonchchoosonanne issoy issuwaara siiqet-toosona. Xoossaa sunntaakka go'ettoosonanne bonchchoosona; qassi Xoossaa Kawotettaabaakka hara asaa tamarissoosona. Ha wodiyan sa'aa bolli tumu haymaanootiyan simerettiyaageeti Yihoowa Markkata.



## WORDDO HAYMAANOOTIYAAPPE HAAKKA!

**Seexaanayne daydanttati neeni Xoossaayyo haggazanaadan koyokkona.** Etau danddayettiyaaba gidikko, asaa ubbaa Xoossaappe haassanau koyoosona. Hegaa eti oottiyoy ayba ogiyanee? Issi ogee worddo haymaanootiyya baggaara. (2 Qoronttoosa 11:13-15) Issi hayimaanotee Geeshsha Maxaafaappe tumaa tamarissana xayikko, worddo. Worddo haymaanootee worddo biraa mala; likke malatana danddayees, shin go'i baynaba. Neeyyo metuwaa ehaana danddayees.



**Haymaanootetu worddoy tumu Xoossaa gidida Yihoowa mule ufayssana danddayenna.** Yesuusi sa'an de'iyoo wode, a worana koyiya issi haymaanoote citay de'ees. Eti goynniyo ogiyya likkedan qoppidosona. “Nuuyyo issi Aawai, Xoossaa xalaalai de'ees” yaagidosona. Yainin Yesuusi eta qofaa maayi ekkidee? CHii! Ubba i “Intte intte aawaa xalahe halaqaa naata” yaa-giis. (Yohaannisa 8:41, 44) Ha wodiyan daro asay Xoossau goynniiddi de'iyaabadan qoppees; shin eti tumuppe Seexaanaayyonne daydanttatuuyyo haggazoosona!—1 Qoronttoosa 10:20.



**Iita mitti iita ayfe ayfiyoogaadan, worddo haymaanooteekka iitabaa oottiya asa ayfees.** Alamee iitabaa oottiya asaa gaasuwan metuwan kumiis. Alamiyan shaaramuxa-tettay, ooyettiyoogee, wuuqiyooqee, huqqunnay, shemppo woriyooqeenne wolqqan inddaa gaytotettaa poliyoogee de'ees. Haggaa mala iitabaa oottiyaageetuppe daroti hayimaanotee de'iyooqee; shin eta hayimaanotee lo'obaa oottanaadan eta denttettibeenana. Eti iitabaa oottiyoogaa aggana xayikko, Xoosaayyo dabbo gidana danddayokkona.—Maatiyoosa 7:17, 18.

**Worddo haymaanootee asay eeqaakko woossanaadan tamarisseees.** Xoossay eeqaakko woossopite gees. Hagee bessiyaaba. Issi asi nenaara gidennan ne pootuwaa xalaalaa haasayana koyiyaaba gidikko, heggaa neeni dosanee? He asi neeyyo tumu dabbo gidana danddayanee? CHii, danddayenna. Yihooway asay de'oy bayna massidi medhdhidobaa woy misiliyaa gidennan bana haasayissanaadan koyees.—Kessaabaa 20:4, 5.


**Worddo haymaanootee olaa wode asaa woriyooqee aykkobaawa yaagi tamarisseees.** Yesuusi Xoossaa dabbotu gidдон siiqoy de'ana yaagiis. Nuuni siiqiyo asaa worokko. (Yohaannisa 13:35) Ubba iita asaa woriyooqee bala. Yesuusa morkketi a oyqqanau yiido wode, a erissiyoo ashkkaarati a ashshanaadan olettiyoogaa maayibeenna.—Maatiyoosa 26:51, 52.

**Worddo haymaanootee iita asay si'ooliyaa tamaan xuugettana yaagidi tamarisseees.** SHin Geeshsha Maxaafay nagaray hayquwau kaalettees yaagi tamarisseees. (Roome 6:23) Yihooway siiquwaa Xoossa. Siiqiya Xoossay asaa merinau waayiya bessanee? Bessennaagee qoncce! Gannatiyan Yihoo-way nashshiyo issi haymaanoote xallay de'ana. (Ajjuutaa 15:4) Seexaanaa wordduwan baasettida haymaanoote ubbay muleera xayana.



## ASAY HAYQQIYO WODE WAANII?

**Hayqoy de'uan de'ennaagaa.** Hayqoy kayrrisiya xiskko mala. (Yohaannisa 11:11-14) Hayqqidaageeti siyanau, be'anau, haasayanau woy aybanne qoppanau danddayokkona. (Eranchchaa 9:5, 10) Worddo haymaanootee hayqqidaageeti bantta mayzza aawatuura de'anau ayyaana alamiyau boosona yaagidi tamarissee. Hegee Geeshsha Maxaafay tamarisseyoobaa gidenna.



**Hayqqidaageeti nuna maaddanau woy qohanau danddayokkona.** Asay hayqqidaageeta ufayssana giidi qoppiyoogan bonchchiyo gallassatanne yarshshota giigissiyoogee erettidaba. Hegee Seexaanay haasayido worddotuppe issuwan baasettido gishshau Xoossaa ufayssenna. Hegee hayqqidaageeti de'uan de'enna gishshau, etakka ufayssana danddayenna. Hayqqidaageeta yayyanau woy etau goynnau koshshenna. Xoossaa xalaalau goynnana koshshees.—Maatiyoosa 4:10.


**Hayqqidaageeti simmidi de'uan de'ana.** Yihooway hayqqidaageeta gannate biittan de'uwau denttidi ehaana. He wodee biron sinttappiyaana. (Yohaannisa 5:28, 29; Oosuwaa 24:15) Neeni issi xiskkida asa xiskkuwaappe denttana danddayiyoogaadan Xoossaykka siree baynnan hayqqidaageeta denttana danddayees.—Marqoosa 5:22, 23, 41, 42.

**Hayqqokko yaagiya qofay Seexaanaa Dabllloosi aasiyo worddo.** Seexaanayne daydanttati hayqqidaageetu ayyaanati paxa de'oosona, qassi asaa bolli harggeenne metoy gakkanaadan oottoosona yaagidi asay qoppaanaan oottoosona. Seexaanay asaa issitoo issitoo, aymuwaninne elunchchan cimmees. Yihooway hayqqidaageetuura haasayana koyiyaageeta ixxees.—Zaarettido Wogaa 18:10-12.



## MURUNNIYOOGREENE KAAYIYOOGEE IITA OOSO

**Seexaanay Neeni kaayanaadan koyees.** Daro asay banttana qohuwaappe teqqanaadan mayzza aawatussi woy ayyaanatussi yarshshoosona. Hegaa eti oottiyoy ayyaana alamiyaa wolqqaa yayyiyo gishshaassa. Murunnetti-da migiduwaa woy sagaayyuwaa wottoosona. Dumma wolqqaa immana danddayoosona giyo murunnettiida “xaleta” uyoosona woy bantta bollaa tiyettoosona. Issi issi asay, iitabaappe naagana danddayssiya wolqqay de'ees giyobata bantta keetta gidдон woy gaden moogoosona. Haraati qassi zal'iyan daro woriyaa demmanau, timirtte keettaa paaciyaa aadhdhanaunne ekkana woy gelanau kaayo “xaleta” go'ettoosona.



**Ubbabaappe aadhdhidi nena Seexaanaa qohuwaappe naagana danddayiyaagee, Yihoowa ne dabbo oottiyooгаа.** Yihoowaynne a kiitanchchati Seexaanaappenne daydanttatuppe keehi daro wolqqaara de'oosona. (Yaaqooba 2:19; Ajjuuataa 12:9) Yihooway muleera banan ammanettiya ba dabbotussi giidi ba minotettaa bessanau yeemottes.—2 Qoronttoosa 16:9.

**Xoossaa Qaalay: “Kaayoppite woi sharechoppite” yaagees.** Kaayonne sharechcho osooy issi asa Seexaanaa Dabllloosa ayye oottiyo gishshau Yihooway ixxees.—Wogaabaa 19:26.



## XOOSSAA DABBOTI IITABAAPPE HAAKKOOSONA

**Seexaanay asay iitabaa oottanaadan paac-  
cees.** Xoossaa dabbo gidana koyiya asi Yihoo-  
way ixxiyoobaa ixxana bessees. (Mazamure  
97:10) Xoossaa dabboti haakkana bessiyoba-  
tuppe amaridaageeti kaallidi de'iyaaageeta:

**SHAaramuxiyoogaa.** “SHAaramu-  
xoppa.” (Kessaabaa 20:14) Ekkenna-  
ninne gelennan inddaa gaytotetta  
poliyoogeeikka bala.—1 Qoronttoosa  
6:18.



**KaysotiyooGaa.** “Wuuqqoppa.”  
—Kessaabaa 20:15.



**MattottiyooGaa.** “Mattottiyaa-  
geeti . . . Xoossaa kawotettaa laat-  
tokkona.”—1 Qoronttoosa 6:10.



**SHemppo Woriyoogaanne SHa-  
haara KesissiyooGaa.** “Asa worop-  
pa.”—Kessaabaa 20:13.



**WorddotiyooGaa.** Yihooway “wor-  
ddotiya inxxarsaa” ixxees.—Leemi-  
so 6:17.





**Makkaliyoogaanne Yiiluwa Teqqenaagaa.**

“Itatanne hanttaarabaa siiqiyaageeta” Yihoo-way keehippe ixxees. (Mazamure 11:5) ‘Asatettaa woy ashuwaa oosuwaappe issoy hanqquwaa.’ —Galaatiyaa 5:19, 20.



**Ceeriya kaa'iyooagaa.** ‘Ooninnee intte giddoppe miishshaa amottiyaagaa . . . gidikko, intte aara issippe gaittoppite.’—1 Qoronttoosa 5:11.

**Zariyaaninne sheeshshan ixettiyoogaa.** “Intte morkketa siiqite . . . inttena waissiyaageetuyyookka Xoossaa woossite.”—Maatiyoosa 5:43-45.

**Xoossay nuussi yootiyoobay ubbay nu go" aassa.** Ubbatoo Iitabaappe haakkiyoogee deexiyaaba gidana danddayees. Yihoowappenne a Markkatuppe demmiyo maaduwan, Xoossaa ufayssenna oosuwaa oottiyoogaappe haakkana danddayaasa.—Isiyaasa 48:17; Piliphphisiyuusa 4:13; Ibraawe 10:24, 25.



## XOOSSAA DABBOTI LO"OBAA OOTTOOSONA

**Ne nashshiyonne bonchchiyo dabboy de'ikko, a milatanau baaxetaasa.** Geeshsha Maxaafay: "GODAI kehanne suure" yaagees. (Mazamure 25:8) Nuuni Xoossaa dabbo gidanau, kehanne suure gidana koshshees. Geeshsha Maxaafay: "Xoosai siiqiyo naatudan, a milatite. . . Inttekka siiquwan de7anau bessees" yaagees. (Efisoona 5:1, 2) Hegaadan oottana danddayiyo ogetuppe amaridaageeti kaallidi de'yaageeta:

**Harata maadda.** "Ha oottanau nuuni danddayiyoorin, asa ubbau lo77obaa oottoos." —Galaatiyaa 6:10.

**Minna ootta.** "Wuuqqiya urai hagaappe sinntau wuuqqoppo; shin heгаа aggidi, hiyyeesata maaddanau, ba kushiyan lo77obaa oottiidi daafuro."—Efisoona 4:28.

**Asatettaaninne kandduwan geeshsha gida.** "Nu ashuwaanne nu shemppuwaa tunissiya ubbabaappe nu huuphiyaa ane geeshshoos; qassi Xoossaayyo yayyiyoogan muleera geeyidi de7oos."—2 Qoronttoosa 7:1.





**Ne keettaa asaa siiquwaaninne bonchchuan oyqqa.** “Intte huuphiyan huuphiyan intte maccaasaa intte huuphedan siiqanau bessees; maccaasa ubbaikka bantta azinaa azinaa bonchchanau bessees. Naatoo, inttena yeli daageetuyyo Godan azazettite.”—Efisoonaa 5:33–6:1.



**Harata siiqa.** “Siiqoi Xoossaappe yiyo gishshau, ane issoi issuwaara siiqettoos.”—1 Yohaannisa 4:7.

**Deriyaa higgiiyaa azazetta.** “Asai ubbai deriyaa heemmiyaageetuyyo haarettanau bessees; . . . Ubbau bes-siyaagaa immite; giiraa giiranau bes-siyooqau giirite; qaraxaa qanxxanau bessiyooqau qanxxite.”—Roome 13: 1, 7.



## XOOSSAAYYO DE'IYA NE SIIQUWAA BESSA



**Ne dabbuwaara de'iya dabbota minttanau aara haasayana koshshees.** I haasayiyo wode ezggaasa, ne haasayiyo wode i ezggees. Qassi ne dabbuwaabaa lo"obaa denttada hara asaayyo odaasa. Xoossaara dabbo gidiyoogekka hegaa-  
ra issi mala. Geeshsha Maxaafay hegaa xeelliyaagan woygiyaakko ane akeeka:

**Woosan Yihoowaara ubbatoo haasaya.** "Ubba wode Xoossaa woossite."—Roome 12:12.

**Xoossaa Qaalaa, Geeshsha Maxaafaa nab-baba.** "Xoossaa maxaafa ubban Xoossaa Ayyaanai de7ees. Tumatettaa tamarissanau, balaa seeranau, mooruwaa suurissanaunne xillotetta de7uwau zoriyaa immanau maaddoosona."—2 Ximootiyoosa 3:16.

**Harata Xoossaabaa tamarissa.** "Intte biidi, asa ubbaa tana kaalliyaaageeta oottite; . . . taani inttena azazidobaa ubbaa eti naagana mala, eta tamarissite."—Maatiyoosa 28:19, 20.







**Xoossaa dabbotukko shiiqa.** “Aadhdhida eranchcha asatuura hemettiya asi aadhdhida eranchcha gidees.”—Leemiso 13:20.

**Kawotettaa Adaraashshan shiiqotun beetta.** “Issoi issuwaara waani siiqettanaak-konne qassi lo77o oosuwaa waati oottanaakko, issoi issuwau qoppoos. . . . issoi issuwaa minttettoos.”—Ibraawe 10:24, 25.

**Kawotettaa oosuwaa kaafa.** “Xoossai ufa-issan immiya uraa siiqiyo gishshau, qaret-tiiddi woi dosennan immiyooqaa gidennan, immiya urai huuphen huuphen ba wozan-qoppidobaa immo.”—2 Qoronttoosa 9:7.




## DABBOTETTAY DUUXXENNAADAN, NEENI NE HUUPHE DABBO GIDANA KOSHSHEES

**Dabbotettay merettiyoy siiquwaana.** Yihoowabaa darobaa ta maariyo wode, ayyo de'iya ne siiqooy keehippe diccana. Xoossaayyo de'iya siiqoy neegge gujjiyo wode, ayyo haggaaZZiyo koshshaykka gujjees. Hagee nena Yesuusa kaalliyaa-gaa gidanaadan denttettees. (Maatiyoosa 28:19) Ufayttiya keettaa asa gidida Yihoowa Markkatuura walahettiyoogan, Xoossaara de'iya dabbotettaa mintta oyqqada merinau de'ana danddayaasa. Neeni ay ootta-na koshshii?

**Xoossaayyo de'iya siiquwaa a higgeta azazettiyoogan bessana**

**koshshees.** “Nuuni Xoossaa siiqiyoo-gee a azazuwaa naagiyoogaa; a azazoikka deexo gidenna.”—1 Yohaannisa 5:3.

**Tamaariyoobaa oosuwan peeshsha.** Yesuusi hegaa leemisuwana qonccissanau issi taarikiyaa yoo-tiis. Issi wozannaamay ba keettaa shuchchan keexxiis. Issi eeyyay qassi ba keettaa shafiyan keexxiis. Wolqqaama iray bukkido wode, shuchchan keexettida keettay kunddibeenna; shin shafiyan keexettida keetay wolqqaama kunddettaa kunddiis. Yesuusi i tamarissidobata siyidi oottiyaageeti, shuchchan





keexxida wozannaama bitaniyaa mala yaagiis. SHin i tamarissidobata siyidi oottennaageeti, shafiyani keexxida eeyya bitaniyaa mala. Ha asatuppe awugaa milatana koyay?—Maatiyoosa 7:24-27.

**Ne huuphiyaa Xoossaayyo buzoyiyooqaa.** Hagee neeni a sheniyaa merinaw oottanaw koyiyooqaa woosan Yihoowassi odiyooqaa yaagiyooqaa. Neeni Xoossaa sheniyaa oottiyooqee, Yesuus Kiristoosa kaalliyaaqaa gidiyooqaa bessees.—Maatiyoosa 11:29.

**Xammaqettiyoqaa.** “Denddada xammaqetta; a sunntaa xeesaidda, ne nagaraappekka meecetta.”—Oosuwa 22:16.

**Danddayettiya ubba ogiyan Xoossaayyo haggaa.** “Intte oottiyo ooso ubbaa asau gidennan Godaw oottiyoogaadan, wozanappe oottite.”—Qolasiyaasa 3:23.



## MERINAU XOOSSAAYYO DABBO GIDA!

**Dabbotaa medhdhanau baaxettiyoogaa koshshees; dabbotettay duuxxennaadan oottanaukka baaxettiyoogaa koyees.** Nee-ni Xoossaa dabbo gidanaunne dabbotettay duuxxenna mala gaada oottiyo baaxiyaa Xoos-say keehippe anjjana. Yesuusi banan amma-niyaageeta: “Tumatettai inttena aillettaap-pe kessana” yaagiis. (Yohaannisa 8:32) Hegee woygiyoogee?

**Ha'i la'atettaa demmada ufayttana danddayaasa.** Seexaanay aasiyo worddo timirti-yaappenne wordduwaappe la'a kiyana danddayaasa. Yihoowa erenna miilooniyan qoodettiya asaa de'uwan metoyiya yibbaappe woppa duussaa de'ana danddayaasa. (Roome 8:22) Xoossaa dabboti 'hayquwau yayyiyoogaappekka' woppatettaa demmidosona.—Ibraawe 2: 14, 15.

**Xoossay ehiyo ooratta alamiyan demmiyo la'atettan ufayttana danddayaasa.** Sinttappe neena ufayssana danddayiya la'atettay ay keena maalaalissiyaabee! Gannate biittan, olaappe, harggiyaappenne danuwaappe la'atettaa demmana. Hiyyeesatettaappenne namisaappe la'atettaa demmana. Ceegatettaappenne hayquwaappe la'atettaa demmana. Yashshaappe, huqqunnaappenne pirddaa pa-caappekka la'atettaa demmana. Geeshsha Maxaafay Xoossaabaa yootiiddi: “Nee-ni ne kushiyaappe yeggada, paxa de7i-





yaageeta ubbaa amuwaa alaasa” yaagees.  
—Mazamure 145:16.

**Xoossaa dabboti merinau de'ana.** Merinaa de'oy Xoossay a dabbotettaa koyiya ubbau immiyo al"o imota. (Roome 6:23) Wurssetti baynna de'oy neessi ayba giyoo-gaakko qoppa!

**Neeni darobaa oottanau wodiya demmaasa.** Geella muuzunqqa miishshaa kaa'iyoo-gaa tamarana koyana danddayaasa. Woy misiliyaa medhdhiyo eraa woy anaxetettaa tamarana danddayaasa. Mehetubaa, do'atubaa woy mittaanne maataabaa tamarana koyana daddayaasa. Dumma dumma heerata yuuyada heertanne asaa be'anau koyana danddayaasa. Merinau de'iyoo-gee hageeta ubbaa oottanau danddayssees!

**Daro asaara dabbotanau danddayssiya wodiya demmaasa.** Merinau de'iyoo-gee Xoossaa dabbo gidida hara darotuura erettanaadan danddayssees. Eti oottana dosiyoo-baanne eta lo"o eeshshaa erana danddayaasa; qassi etikka ne dabbo gidana. Ne eta siiqaasa; etikka nena siiqoosona. (1 Qoronttoosa 13:8) Wurssetti baynna de'oy sa'an de'iya ubba asaara dabbotanaadan danddayssees! Ha ubbaappekka aadhdhiyaabay, Yihoowaara de'iya ne dabbotettay daro wodee aadhdhoogaappe guyyiyan keehippe minni minni baana. **Neeni merinau Xoossaa dabbo gidanaadan amottoos!**







Gujjada eranawu [www.jw.org](http://www.jw.org) xomoosa woy Yihoowa Markkatuura gaytta.



9r-WL  
171103